

Petiziuns inoltradas da l'emprim parlament da mattas dal Grischun

■ (cc) L'emprim parlament da mattas dal Grischun, che ha salvà sia sessiun ils 8 da november 2012 a Cuira, ha concludì en las votaziuns finalas d'inoltrar duas propostas sco petiziuns al cussegl grond. Las petiziuns èn en il fratemp vegnidas examinadas dal secretariat dal cussegl grond e transmessas a la conferenza da las presidentas e dals presidents dal cussegl grond. La conferenza da las presidentas e dals presidents decida davart l'ulteriur proceder.

Il parlament da mattas e las petizioniarias *Marisa Tscholl* (Val Müstair) e *Jolene Jäger* (Cuira) giavischan ch'il pretsch da l'abunament general grischun (BüGA) vegnia reduci per la mesadad per giuvenils

fin che quels han terminà lur emprima scolaziun. Cun questa mesira duain per l'ina ils giuvenils da las regions periferas pudair utilizar favuraivlamain il traffic public. Per l'autra vegni renvià en la motivaziun quant impurtant ch'i saja da familiarisar ils giuvenils baud cun il traffic public ecologic. La segunda petiziun s'occupa da cybermobbing. Perquai ch'ellas han fatg experientschas persunalas ed èn pertutgadas proponan las petizioniarias *Adriana Deplazes* (Sedrun) e *Flurina Risch* (Cuira) che las vischnancas da scola vegnian obligadas d'endrizzar en l'avegnir ina purschida da cussegliaziun gratuita per las victimas da cybermobbing.